

## Bulitinu Informativu

Tu ishita di Martsu 2009, tu Consillu Armânjloru furâ apruceati ca membri, nica trei sutsati, tsi sh-aspusirâ, pritu câftârli-a loru, vrearea ti lucurlu deadunu ti andridzearea tutuloru sinfiradzloru ti cari fu thimiljusu Consillu Armânjloru :

- Sutsata “Lunjina” di Belgrad / Sârbii, cumândâsitâ di Prezidentulu **Dimitri Grebeniti**;
- Sutsata Culturala “Farshirotlu” di Ghirocastro / Arbinishii, cumândâsitâ di Prezidentulu **Spiro Poci**;
- Uniunea Makedonarmânjloru di München / Ghirmâni, cumândâsitâ di Prezidentulu **Iancu Puznava**;

Cumândâsearea Biroului Executivu CA, deadunu cu tuts membrilji ditu Consillu Armânjloru, oarâ a nâiloru membri CA, „*Ghini vinitu tu Consilu, ghini n-aflâmu tu lucurlu deadunu !* “ ti amintarea ndrepturilor Armânjloru, ti sinferlu acâkiseartiljei, ti sinferlu a isihiljei anamisa di noi, ti sinferlu ca limba sh-cultura noastâ, tsi-sh au zârtsinjili tu veacljea culturâ makiduneanâ, s-armânâ tu yishtearea culturalâ a Evropâljei.

Ti unâ cama bunâ cunushteari a limbâljei sh-a-culturâljei makedonarmânâ sh-tu alti stati ditu Evropâ cumu sh-di nafoarâ di Evropâ, cum sh-ti unâ cama bunâ andridzeari shi simfunidzari tu arada internatsionalâ a farilor armâneshtsâ, CA mindui câ easti ghini s-aibâ reprezentantsâ tu aesti stati ; ashi furâ andreapti reprezentantsi a Consillui tu :

- Italie(Torino),
- Gârtsie(Athina),
- Spanie(Girona/Barcelona),
- Austrie(Viena),
- Australie(Sydney),
- U.S.A(New York),
- Canada(Toronto),

reprezentantsi tsi va lucreadzâ sh-va cilâstâseascâ ti vigljearea sh-developarea limbâljei, a culturâljei sh-adetsloru armâneshtsâ.

tu 7-li di Apriiru 2009

Consillu Armânjloru  
Biroulu Executivu